

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

PELANCARAN PROGRAM FOOD BANK SISWA UNIVERSITI TEKNIKAL MALAYSIA MELAKA (UTeM)

AYER KEROH MELAKA, 3 JULAI 2019 – Susulan Mesyuarat Majlis Tindakan Sara Hidup Negara (NACCOL) pada 15 Februari 2019, Kerajaan telah memutuskan untuk meluaskan Program Food Bank Malaysia yang dikendalikan oleh Kementerian ini ke seluruh Institusi Pengajian Tinggi Awam (IPTA).

Kementerian Perdagangan Dalam Negeri dan Hal Ehwal Pengguna (KPDNHEP) telah menyusun satu pertemuan yang dipengerusikan sendiri oleh Menteri Perdagangan Dalam Negeri dan Hal Ehwal Pengguna bersama semua Naib Canselor IPTA yang berlangsung pada 4 Mac 2019 bagi membincangkan pelaksanaan program ini di peringkat Universiti.

Inisiatif Food Bank Siswa yang berkonsepkan *“From the Students to the Students”* mengalu-alukan penglibatan pelajar dalam melaksanakan Food Bank Siswa ini terutamanya dari persatuan-persatuan pelajar untuk sama-sama membantu golongan pelajar yang memerlukan. Ini adalah kerana, Kerajaan ingin memastikan pelajar sebagai pelapis negara dapat menimba lebih banyak pengalaman dalam pelaksanaan program kebajikan seperti ini. Ianya juga adalah bagi memupuk semangat sukarelawan di samping dapat bergiat aktif di dalam aktiviti yang dijalankan di Universiti.

Universiti Teknikal Malaysia Melaka (UTeM) adalah **Universiti ke-11 sejak Program Food Bank Siswa ini dilancarkan**. Ianya telah dilaksanakan di Universiti Kebangsaan Malaysia (UKM) Cheras, Universiti Malaya (UM), Universiti Teknologi Mara (UiTM) Pulau Pinang, Universiti Putra Malaysia (UPM), Universiti Teknologi Malaysia (UTM) Skudai, Universiti Sultan Zainal Abidin (UniSZA), Universiti Teknologi Malaysia (UTM) Kuala Lumpur, Universiti Malaysia Sarawak (UNIMAS), Universiti Malaysia Sabah (UMS), dan Universiti Pendidikan Sultan Idris (UPSI).

Sebagai permulaan pelaksanaan Program Food Bank Siswa di UTeM ini, terdapat **100 orang pelajar** telah dikenalpasti dan layak menerima bantuan daripada program ini. Kementerian turut berbesar hati dengan penglibatan pihak **Pasaraya Family Store, Aeon dan Golden 88 Mini Mart** sebagai penyumbang bagi Program Food Bank Siswa di UTeM. Program ini **digerakkan oleh Bahagian Hal Ehwal Pelajar UTeM dan Majlis Perwakilan Pelajar** dengan menggunakan konsep Food Pantry.

-lagi-

KPDNHEP telah membuka ruang seluas-luasnya kepada semua pihak untuk turut serta dalam menjayakan program ini agar sumbangan yang disalurkan dapat memberi sinar baharu kepada mahasiswa yang sedang menuntut di universiti. Ini adalah bagi membantu meringankan beban kos sara hidup mahasiswa golongan B40.

KPDNHEP percaya semangat kesukarelawan yang tinggi dapat dibentuk menerusi program ini dan berharap inisiatif ini dapat diperluaskan ke Institusi Pengajian Tinggi Swasta (IPTS), Kolej Universiti, Maktab Perguruan dan lain-lain institusi.

Bagi yang berminat boleh menghubungi Sekretrariat Food Bank Malaysia KPDNHEP seperti berikut:

Yayasan Food Bank Malaysia

Aras 4, No. 13, Persiaran Perdana, Presint 2, 62623 Putrajaya

Tel : 03 88826887 / 5936

Faks : 03 88825981 / 5941

Email : foodbankmalaysia@kpdnhep.gov.my

#

Sebarang maklumat lanjut, sila hubungi:

AB WAHAB BIN LONG

Ketua Pegawai Eksekutif, Yayasan Food Bank Malaysia

Tel : 03-8882 6889

Emel : abwahab@kpdnhep.gov.my

YUNUS BIN TASIM

Ketua Unit Komunikasi Korporat, KPDNHEP

Tel : 03-8882 5563 / 012-696 8779